

四庫全書

集部

欽定四庫全書

集部

御製詩初集卷八

臣永瑤恭校

侍讀臣孫球覆勘

總校官原任中允臣王燕緒

校對官學正臣李巖

謄錄監生臣沈立銘

欽定四庫全書

御製詩初集卷七

古今體一百十九首

辛酉三

九月初一日迴鑾至博羅河屯見菊花盛開

幾種金英傍砌隈  
臨風恰迓翠華迴  
寒香盈把陪青案

素萼搖姿點綠苔  
最愛三秋經雨洗

是日雨

定知重九冒

霜開何曾王勃工  
詩句朶朶都擎送客杯

避暑山莊行宮懷舊

離宮對碧岑峭石聳成林壁有曾題字庭餘獨樹陰簾  
帷秋日靜曩鼎篆烟沉况是咏

恩地能無憶舊心

幻塵同夢鹿佳境似遊仙帆影留雲在江聲共月懸雲帆

月舫月色江聲皆宮內別院名也

綠牕蛛織網粉壁鳥啣鈿迴首驚心

處流陰忽廿年

九月初三日熱河見荷花

霞衣猶耐九秋寒翠蓋敲風綠未殘應是香紅久寂寞

故留冷豔待人看

前朝見菊黃蕪綠今日看荷紫帶紅夏卉秋葩渾不辨  
一齊搖曳晚風中

獅子園即事

避暑山莊之北有獅子嶺嶺下建園因以獅子名  
皇考藩邸時扈

駕來此所居之

賜園也乾隆六年秋八月因塞外行圍迴道至此曷勝

趨

庭之感即事書懷爰成長律

憶昔趨

庭日重經避暑園壁題餘

手澤孺慕想

親恩閱歲階梧古丁年書室存塵生煮茗具菌蟲玩花  
軒巡狩今方始括捲此重捫無從窺領臚莫可展冬溫  
永念

劬勞至空驚日月奔徘徊瞻碧落神愴向誰言

妙高堂

虛堂構峰巔叢樾羊腸繞平臨出岫雲俯視歸林鳥百  
里如目前溪壑殊了了庭饒白鹿遊塵借清風掃我米  
已深秋萬木丹黃老身依泉石間興寄烟霞表

法林寺戲題

書齋禪室杳然清午靜時聞鐘磬聲此日經過重想像  
當年佔伴一儒生

荷花謝疊前韻

數日餘芳傲晚寒，經霜今晚乍凋殘。  
元都觀裏春風面，只許劉郎一度看。

離披殘蓋全消綠，寥寂寒葩不剩紅。  
水月鏡花觀幻色，清歌一曲御湖中。

恭和

皇祖聖祖仁皇帝御製避暑山莊三十六景詩

乾隆六年秋命駕出口北巡，歲事言旋道經避暑。



山莊撫今追昔情不能已向於雍正戊申曾敬跋  
圖記用述

聖恩高厚今身歷其地彌切

音容如昨之感爰恭和

御製避暑山莊三十六景詩原韻以誌孫臣思慕之忱  
與歲並增耳

烟波致爽

時和逢歲稔烽靜絕邊譁蒐狩三秋舉登臨萬壑嘉楓

黃接雁塞霜白點龍沙迴蹕遊仙地空庭遍野花幾多  
今昔感無那歲年賒露砌飄殘葉秋籬綴晚瓜蛩音驚  
短夢宵韻起寒笳

祖制今猶烈金吾漫憶家

芝運雲隄

六飛迴轡指金闕離宮故館茲停歇蕭齋乍啓舊牕櫺  
蘭若重尋古碑碣銀鈎鐵畫觀

璇題趙肥董弱無筋骨寂寥帷幔掛珊瑚歌斜几席巢

蛇蠍因思廿載條流陰電光石火無踰疾苔封石鼎香  
無烟惟有金颺蕩寒樾旋步雲隄憶夙遊倚吟轉覺逸  
興發丹黃四面展畫屏一幅闕全色乍設寒林窮處忽  
成峰彷彿如登泰麓東山葩野卉難爭豔五株疑是秦  
時松郊原秋景尤堪望比擲崇墉萬戶同祈年詎異當  
年志長願田疇歌屢豐大德曰生恩惠洽道之猶足泣  
羣工金湯禮義足防隄懸撞度索聲教齊利我後人猶

賴

澤敷天雨露蘇黔黎久安勞業詎宜恃千秋金鑑垂圖  
史紹武常懷乾惕衷敢云王化寧遐邇日暮歸來獨倚  
樓撫今追昔增淒愁歡娛但覺春風暖宵旰誰知午夜  
憂裁詩聊當銘座右願言治理虛心求繼繩

祖武懼不逮惟應此志萬千秋

無暑清涼

一縷遙循隄徑長松軒月榭暫徊徨苔紋千點萬點綠  
菊蕊三枝五枝芳自是洞天無處覓祇餘元圃可相方

根塵久悟風幡旨題句還如蝶夢莊

延薰山館

偶撫虞琴山館靜祝融未覺暑頭銜萬方樂利  
心胃內解愠何須更脫衫

水芳巖秀

巖秀據艮靈水芳擅坤厚即此溪壑佳何必稱牛首緬  
懷智者樂願效仁者壽茲地可會心亭軒建已久澄流  
遠其前疏峯羅厥後仙壺常與秘無乃神人剖

璇題猶在簷

奎文麗星斗顏柳步後塵張王謝敏手

明訓垂日月所惡在旨酒紹

庭志雖殷繼武吾何有

萬壑松風

猶是當時傲雪青重開軒閣俯溪汀廿年未識門墻奧

長憶文筵獨

授經

萬壑松風予當年扈  
蹕之賜居云

松鶴清越

白鶴志猶潔蒼松獨後凋景仰

終身慕詎止溫清調

松鶴清越當時奉  
皇太后居於此

雲山勝地

黃雲近壠復遐阡想像豐年入頌箋二十年来衣食足

黔黎猶戴

聖恩宣

四面雲山

攀躋步崇嶺摩詰畫中詩岑壑依然在川原望裏竒重  
來猶切切欲去更遲遲孤鶴唳層巘孫梧擢老枝苔紋  
迷近砌鹿跡印斜歧座靜來青黛牕虛浸曲池懷

恩常撫蹟憶昔更含悲當日

乾乾意身肩始得知

北枕雙峰

欲排雲霧叩仙關咫尺羅天即此山却喜晴明聊縱目  
灤河如帶一灣灣



西嶺晨霞

翔陽騰曉海，門東似颭紅。  
旗錦颭風，何必暮山誇返照。  
試看西嶺畫屏中。

鍾峯落照

獵罷途經羽蓋留，鍾峯落日正深秋。  
白雲紅樹參差處，疑有寒山結宇幽。

南山積雪

芙蓉十二列峯容，最喜寒英綴古松。  
此景祇宜詩想像。

金定四庫全書  
卷七  
留觀直待到深冬

梨花伴月

誰道邊關外春時亦有花  
寒香雪添豔淡影月增嘉  
雅稱峰頭雨何須谷口霞  
塗山千萬樹踪跡漫相誇

曲水荷香

當年

睿志尚高  
清非慕濂  
溪癖愛名  
重憶瓊筵陪

色笑金匙常飽手調羹

風泉清聽

物物都歸大造心  
風泉亦解奏清吟  
熙和六十一年化  
編簡猶垂

雅頌音

濠濮間想

曾聞古衲子問師  
覓心安我是無心客  
轉覺會心難

天宇咸暢

調萬斯年曲

琪樹瓊田封陟居  
元君駐駕玩清虛  
旋促鶴御返瑤池

別離初神仙侶曾訴幽情立烟嶼

暖溜暄波

靈泉清泚滌煩疴功德由來利物多況是御園分惠澤  
祇今猶頌澗瀍歌

泉源石壁

泉源丹嶠側石壁玉河隈汀雁人為宇岩屏衣是苔雲  
心原不繫水鏡豈湏才緬想無為治巍巍造化該

青楓綠嶼

遊豫諸侯度非闕玩物華山莊幽事足林塢鳥聲譁列  
嶼仍含黛經霜想作霞羣生被

苞育微木摠清嘉

鶯轉喬木

再歷仙居遊似夢重瞻

睿作筆如杠靈臺却在榆關外博望無勞更出驄

香遠益清

調柳  
梢青

俯弄清漪平臨錦繡淨植含奇華嶽峰頭西施湖畔幽

豔誰知秋來老幹差差芳菲歇造物無私詩擬丰標圖  
摹體態多少便宜

金蓮映日

輝煌麗曉日璀璨映重臺布地黃金滿祇園此處開

遠近泉聲

飛流疑掛玉濺沫似噴珠舊識題崖字於今半有無

雲帆月舫

調太平時

鎮倚朱欄看翠濤壓金鰲層樓十二薄璇霄好抽毫與

物皆春民共樂舞韶簫宇宙泰和一人德地天交

芳渚臨流

池如明鏡草如茵澆澗時看泳錦鱗自是天心樂育物  
花香鳥語摠怡神

雲容水態

水態溪邊尚爾雲容天際猶存夢裏春音世遠身沐  
恩波我原

澄泉遶石

不必棟稱玉偏誇  
茨是茅石泉迴綠  
野草遍青郊溪漲  
魚添子春深燕補  
巢琅玕刻畫處猶  
有兩三梢

澄波疊翠

月上池開鑑風來  
水弄文千秋垂

睿藻烟翠共氤氳

石磯觀魚

重把青竿坐釣磯  
閒看溪鳥掠波飛  
漁歌漫憶吳江水  
絕勝鱸魚秋後肥



鏡水雲岑

古樹迷離翠嶂秋  
波澄澈寒潭盡舫渡人溪北  
虛牕留客軒南  
楓葉榭葉紛錯松枝竹枝差忒

宸章千載猶爛妙理萬象都函

雙湖尖鏡

卧波新綠帶痕齊  
那數餘杭蘇氏隄  
把筆試吟廿年事  
秋風黃葉不堪題

長虹飲練

武夷帳幄列雲崖為有虹橋可作階此日遊仙重容與  
溪聲猶奏綠琴諧

莆田叢樾

緬想雍熙治

深恩被閭閻太平無氣象只向萬民占

水流雲在

秋水與天澄行雲倒浦凝撫今還憶昔乾惕寸衷增

九月九日為大學士張廷玉七旬壽日時朕出口

未迴詩以賜之

歷掌絲綸佐斗樞心依行在想晨趨

時大學士承朕命  
在朝總理諸務

最欣佳節當初度要識元衡半老儒  
潞國晚年尤矍鑠  
呂端大事不糊塗  
緘詩並寄黃花酒  
看取灩灩湛露濡  
重陽日喀喇河也行宮侍

皇太后登逍遙樓

禕鞠雲凝瑞靄光  
離宮侍

輦值重陽檻臨平  
楚嵐烟淡煦入遙  
峯樹色蒼遠墅幾

家荒菰閉小橋獨木野流長最欣度節邊關外也有黃  
花獻

壽觴

野菊

野菊小於鈴依依傍砌庭知時舒晚豔為客發幽馨洗  
濯曾經雨參差似列星詩情兼畫意緣此暫留停

曉行

薄霧遙封迷客路樹紅雲白暮秋時鳴鞭未覺行米遠

兩岸蒼山叫畫眉

古寺

蘭若依然水石幽  
層層屏嶂俯清流  
苔封古塔全身現  
塵閉禪房半偈留  
鳥去山林餘暮靄  
客來時節正深秋  
如如色相如如在  
重費闍黎苦募脩

曉日

曉日光寒白露淒  
馬蹄藉草不沾泥  
炊烟細裊村帘外  
殘月猶懸嶺樹西  
塞上山川皆盡意  
途中風景盡詩題

楓林沙坂經行處不數蘇公十里堤

雨

山雨曉廉纖詩情觸目拈憑將暹黛洗微覺峭寒添  
瀟瀟清由歸轡溟濛下細簾白雲纒散處露出數峰尖

冷

地近邊關煖霜催節候寒却饒秋草綠間有早楓丹  
雁字依南寫龍堆直北看平蹊堪策騎十里軟沙乾

入古北口

羽蓋駸駸度玉關  
三秋巡狩薄言還  
愛看綠麥鋪平甸  
漫憶黃羊過塞山

即事

嵐氣依山素練橫  
朝暎忽射一川明  
人衝曉霧逶迤去  
馬踏寒郊篤速行  
村落幾家茆舍靜  
野流數處板橋平  
錦江詩句河陽筆  
風景重看生面呈

題攬勝軒

迴鑿經梵宇駐蓋憇  
閒庭鳥語留人坐  
狷烟傍客馨徑

金史四庫全書  
卷七  
幽仍隱綠牕  
啓乍來青  
莫漫尋陳跡  
空花悟色形

迴鑿作

榆柳青青驛路寬  
新黃舊綠解迎鑿  
却思塞上風霜景  
似展關仝畫裏看

石槽行宮對月

殘靄全收晚景妍  
踈楊影裏漏婵娟  
詩因望夕清添興  
光到深秋皎徹天  
別院初迴飛蓋駐  
行營兩見皓輪圓  
何殊上苑憑吟處  
桂子風微夜未眠



鷹

鷲鳥爲中傑羽翰利且便其在山林中食肉而飲泉飛  
止任厥性擊搏無留難一朝落羈鞫人乃司柄權養翎  
須以時食飲毋或愆精銳乃奮厲矯翼雲霄盤如鵬飛  
北溟萬里扶搖寬鷹師苟非良飼養失其天飢之片肉  
餐困憊臂右肩搯縱復失術弱翅凌風旋小雀不能獲  
何況雉兔焉謂之無良鷹是語豈其然

湯泉行宮即事

靈境闔離宮，停鑿秋宇空。  
庭軒靜朝旭，樹石老金風。  
暖溜溶溶，潔清波處處。  
同心神堪，凜雪撫景興無窮。

出塞雜詠用上平聲韻

雕輿繡羽颯，金風曉發都城旭。  
影紅十部簫韶，翻似海  
三千車騎氣如虹。

邊關峯色翠芙蓉，萬古隄防笑祖龍。  
守德由來勝守險，  
金湯禮義是提封。

靜夜離宮月在牕，獨裁章奏炮金缸。  
雁鳴遠浦傳霜信。

人過孤村引吠厖

塞上峯巒萬景奇  
笳聲傍晚譜涼伊  
玉臺疊進琉璃酒  
羶屋周懸虎豹皮

極北山高近紫微  
片雲常作雪霏霏  
黃羊白鹿鋪平野  
好試今秋第一圍

龍沙八月似冬初  
獻賦長楊滿屬車  
最愛楓林新似染  
折來題句手親書

警言蹕何勞健騎趨  
會同中外豈伊殊  
王庭圍合春風滿

慢屋筵開湛露濡

漫道陳倉獲碧雞  
天狼一色萬頭齊  
蒲萄釀酒燕支色  
不數江南數北鞮

鐵騎番兒雁字排  
霜鋒掌樣淨磨揩  
新豐空有如澠酒  
辜負當年白鼻騮

日射高峯紫霧開  
驟驪羽騎蔽山來  
鸞旗影颺雲林外  
清蹕聲聲北狩迴

平明雨洗屬車塵  
蹀躞驂駟稱意馴  
濯濯烟鬟著黛重

萋萋麥壠愛青新

塞上山高截片雲常有晴雨半峰分  
三千色目熊羆士  
十二天閑驥駉羣

青兕黃牛滿澤原欣看天餉助歸轅  
戍兒夜半吹羌笛  
此日春風度玉門

當年勝事紀呼韓從獵爭如各部攢  
羊酪馬酮都獻費  
旋收歸轡別興安

時巡詎止閱邊關喜見年豐一解顏  
搖颺翠華佳氣滿

都中爭道六龍還

菊

苑樹蕭疎籬落斜芳留庭砌足黃花曉霑細雨香猶潤  
時過重陽色倍嘉不染纖塵紛露葉獨餘晚艷傲霜華  
今年佳節途中賞欲補新詩興轉賒

雨

連朝秋雨細閒眺倚朱欄濯蕊菊添潤梳翎鶴畏寒鷗  
波猶汎濫楓葉已闌干遙想西郊麥青針珠顆攢

題瀛臺隨安室

隨安者取其隨所遇而安之義故凡勝地虛庭明  
牕淨几無不以是顏其軒蓋藉以觸目會心云耳  
書室依林俯碧瀾文牕紗綠稱遐觀庭虛松柏泛清籟  
坐久衣裳生峭寒觸目有懷皆遠俗忘言何處不隨安  
爐烟晝永禽魚適長嘯一聲天地寬

秋夜齋居

歸鴉噪庭樹暮色侵虛殿漏遲秋夜長幾暇分陰羨懷

古鑒興亡撫時戒安晏祇茲乾惕衷願言終不變

九月二十八日雪次日立冬喜而有作

同雲暗空宇素雪灑宮城漸作霏霏勢徐聽浙浙聲  
瑶林英乍綴麥壠綠方萌三白先冬令稍紓望歲情

賜總督高斌之任

淮揚底定早垂勲節鉞新開紫氣分自是經綸方藉展  
可知魚水正需殷人言久慶江南雨物望應歸冀北雲  
保障繭絲須識取編氓一路頌聲聞



題周鯤山水

雲峰霜葉闌蒼紅讀易蕭齋烟靄中為問輕舟行近遠  
秋波遙送一帆風

題十二月人物畫冊

正月

春信侵尋檻外梅倚吟秉燭共徘徊輕寒不入深庭院  
女伴携爐得得來

爛銀盤子上東墻繡線花柴不讓光翠蛾無語含情處

一夜春風卜短長

二月

胭脂勻綴小桃枝  
別苑春和二月時  
鏡戶團圓清晝永  
楸枰斜倚共敲碁

竹籬石運罨牕紗  
逗漏春光日正賒  
恹底阿香移步晚  
為拈紅綠候烹茶

三月

清明時節杏花天  
柳岸輕垂漠漠烟  
最是春閨識風景

翠翹紅袖蹴鞦韆

曲池風靜鏡澄波  
絲柳青輸兩鬢螺  
未許人間輕比似  
壺中遊戲半仙娥

四月

日日韶華鬪麝新  
鼠姑獨殿一園春  
蛾眉倚檻相省處  
最妬沉香亭畔人

天香國色兩相爭  
轉覺詩人費品評  
氣韻風標都不讓  
只饒無語一般情

五月

池亭消夏坐薰風韻雜琴箏水竹同何用香奩重拂拭  
綺羅人在鏡光中

翠竹陰森夏日長冰紈初試午風涼玉魚貼體微寒切  
只少南方荔子嘗

六月

微風細雨柳垂絲荷芰香中語翠眉小立船頭渾不定  
碧波新漲一篙時

滿湖霞錦漾微風繡袂招呼挈伴同不數麗華誇步步  
春光六月綺羅叢

七月

桐軒晝靜絲針拋綠倚紅偎笑語交自是女郎工乞巧  
柳州文筆漫相嘲

新秋庭院足清娛綠蔭修梧三兩株步屨溪橋怯無力  
娉婷紅袖倩人扶

八月

石欄微冷透水紗  
徙倚中宵玩月華  
環珮風清涼夜永  
水晶宮裏綠華家

峭寒已切薄羅裳  
雲外風飄桂子香  
指點秋光含意處  
遙空月色正蒼蒼

九月

深秋黃葉著霜添  
砌畔寒花映綺簾  
何必東籬誇勝賞  
風情都付女陶潛

迴廊楓栢染新丹  
幾許秋光結伴看  
莫道綺羅人怯弱

冰肌原不畏輕寒

十月

深閨寂靜重帷暖  
彛鼎縱橫白壁雙  
消遣閒情寒不到  
小陽春日度明牕

何處行來洛浦仙  
衣裳如霧鬢如煙  
瑤池玉簡羣尋檢  
不數米家書畫船

十一月

文疏烘暖漏陽光  
刺繡工夫一線長  
捲起重簾風細處

詞苑四庫全書  
卷  
愛他輕度小梅香

玉漏銅壺滴響遲  
雲蛾無語立移時  
幘間繡出雙蓮朶  
多少幽情人未知

十二月

溫室重闌暖氣勻  
党家冬日是三春  
寄言魚雪陶居士  
漫傲銷金帳裏人

貼貼貂茸稱綠髮  
步來階雪印彎彎  
粉墻屈曲重門鎖  
獨共青衣一往還



冬夜寄興

素彩流牕月色涼  
玉壺聲滴夜初長  
篆凝細縷蘭烟紫  
芳遞疎檣菊蕊黃  
暫得萬幾閒裏適  
莫嫌七字靜中忙  
吟餘彷彿當年樂  
漉雪浮香茗茗嘗

日短

庭柯鳴籟急  
蘿幌透寒多  
室靜吟方永  
牕明午又過  
影  
颼風舞葉流  
咽凍生波珍  
重惜陰客  
芸編好待摩

冬至齋居

對越乾乾矢素衷更臨

裡祀惕淵冲齋宮夜永穿松漏緹室陽回協月筭省歲  
每期時不易占年惟望雪酬豐案頭編簡閒披閱舊學  
商量慎始終

冬夜盆梅

葭管候飛灰元冥方駐節齋居溫室清盆卉屏間列消  
息初陽復生意枝頭泄初省倍蕾萌漸喜冰玉纈搖檠  
素影閒裊篆寒芳潔化工運鴻鑪貞元每嬪迭却欣一

夕榮漫憶經年別

遐矚樓

宇空千里近樓迥一牕虛坐久塵氛遠曠懷寄太初

溪田園綠野樂事在桑麻一幅幽風景凭高玩歲華

樓在

豐澤園中康熙年間所建

涵元朔氣通松檜鏡光中南望仙壺景蓬瀛不在東

涵元

瀛臺殿名也在豐澤園之南

雕甍煥蚪龍飛閣連雲漢芸編散古香樂此不知倦

林空帷乍捲水合鏡逾明登覽非娛目憑觀萬物情

十二月十一日恭受

皇考實錄聖訓禮成陞殿受賀感成近體六韻

金管研摩久

瑤編拜受新

聖蹤垂奕禩嘉禮值茲辰旭暖旗常影風和殿陞春祇  
迎欽

陟降捧讀切遵循緬想

無為治還同造物仁步趨長有志頻首望前塵

題刻畫伽倻香山九老圖

風流少傅十年間結社香山共往還漫道滄桑多變幻  
試看常住是香山

除夕立春

餞年兼餞臘迎歲恰迎春勝綵裝屏麗盤椒獻座新餘  
寒退殘夜韶景入元辰應律敷陽德還思與物均

御製詩初集卷七

欽定四庫全書

御製詩初集卷八

古今體一百十首

壬戌一

壬戌元旦同諸王宴乾清宮

韶律應三陽元辰福履昌  
展親醅伯叔明命凜

穹蒼鳳琯春風入龍墀  
化日長獻椒歌有慶行  
葦樂無

央

古風

建極撫五辰執中御八埏望道而末由朝夕增惕乾曩  
余佩古訓治理頗能言之扞格多乃悟實踐難克已  
苟未至其失已大焉如木斯有本如水斯有源源本或  
有垂設施亦徒然觸目堪警心小子其慎旃

重華協帝治闢門延英俊如茅斯拔茹賢才乃奮迅其  
源苟不清所用安可信求者為虛聲應者為干進譬珠  
在深淵魚目難容混譬玉在完璞瑕瑜慎所遴履信而  
尚賢庶乎天助順



天道有循環培栽而覆傾人道有損益好謙而惡盈君子審厥幾處夷乃若驚况乎持大寶驕滿毋或生人君惟一心干者萬計迎紀綱苟稍紊調劑安可憑憂其所可恃懼其所可矜善醫善計者其道良足稱

鬱儀催朱輪如駒邁隙過玩愒以消時老大將如何云立立猶未有成成則即披卷漫流連撫景漫吟哦願言勵初志毋為徒延俄凡事待知悔其失亦已多

初春

柳帶鶯黃漸波流鳴綠微輕雲時出岫暖氣欲沾衣  
花信尋常候春光次第歸東郊方待澤懶去問芳菲

見耕者

播穀當春始扶犁邁遠阡土膏蘇大地雨澤賴蒼天  
辛苦誠堪念憂勤未息肩停鑿茲一覽興在甫田篇

次良鄉

廣陌催征騎遙天飛玉屑潤回大地春望入雙瞳  
潔字空山勢近候忽陰晴別咏雪興漫豪省歲心猶切三冬

待澤久未敢遽怡悅

麥苗

新苗抽綠遠連阡生意回蘇態自妍  
最愛冰鬚瓊雪纈誰將弱線蕊珠穿  
春融潤渙如沾雨日暖晴烘欲吐煙  
何異幽風圖裡看民依念永為停鞭

曉行

濃淡雲容石笋尖馬蹄踏處綠纖纖  
曉來遠塢依微辨雪後輕寒料峭添  
未至賣錫思社鼓却饒沽酒認村帘

行吟不為耽風景  
夾路桑麻取次覘

夜雨寄興

刻漏初催乙夜籌  
風聲漸息雨聲稠  
夢回行帳牽吟興  
想到公田喜澤流  
不必綠蕉聽浙浙  
却因黃幄思悠悠  
金吾漫苦征衫濕  
多少三農卜有秋

曉雪有作

春雨寒凝雪油雲  
入曉濃澤流成沃壤  
玉積出高峰和  
洽占逢歲憂勤望  
破冬

去歲三冬無雪待澤正殷

山村經歷處樂意

在耕農

過拒馬河

十里瓊瑤一色白馬蹄踏碎人未惜行行策渡拒馬河  
滑笏春流初弄碧亦有流澌如半壁珠璣灑落噴灘石  
誰能弔古論興亡但覺光陰如過隙此河幾度亂流過  
前歲今春原不隔興來還似坐玉京豪咏心情那減昔  
溪頭舴艋未易呼渡口車輿頗填積似展江干積雪圖  
燕氏文貴留真蹟

晴

落日照轅門雲峰互吐吞山川欣沛澤草木樂流暄野  
曠駕鸞集天空星斗繁驅車明曉望叱犢滿平原

壬戌仲春恭謁

秦陵

松柏森霄漢雲霞護翠微逝波驚歲月如夢想

音徽是日瞻虛殿悲風啟玉扉

憂勤千古越奉養七年違

寶冊垂文德

上年十二月  
實錄告成

要荒服武威

鼎湖空白霧石馬立寒暄  
閱歲苔文古當春樹影稀  
重來增切切欲去更依依

恭瞻

泰陵

聖德神功碑告成感成長句

貞珉萬古護雲煙拜觀

羨墻倍愴然

金定四庫全書  
卷八  
謨烈昭垂千百世

憂勤想見十三年  
慮周暑雨祁寒際  
澤溥山陬海澨邊  
肯構無能繩

聖武捧盈長此矢乾乾

二月六日

二月六日涑水濱  
馬蹄踏雪無風塵  
瓦神社鼓儘隨俗  
柳葉杏花俱待春  
山色一鞭如送客  
鳥聲數啜解迎人  
薇芽菜甲滿畦綠  
景物却羨山家新



絕句

控紫三春半批黃午夜分試問普天下誰為無事人

春寒

輕寒料峭透氈帷把筆閒吟有所思細雨已催新草色  
條風未綻舊花枝煙深遠墅樵蘇靜波暖荒汀鳧雁知  
想是東皇惜韶景勒將春事故教遲

次黃新庄

皇太后使人賜食

夾路豔陽舒春風返轡初

須恩來秘禁分澤逮周廬更切調甘旨還因問

起居得知

溫清適愛日樂何如

春夜聞雁

去時秋杪到時春却似相逢話舊新寒夜數聲傳幔幄  
高空幾陣噫溪濱沙塘波冷思眠月龍塞程遙欲寫人  
慚愧雙鴛池畔浴為謀梁稻每羈身

新衙門行宮即事

離宮夜靜剪銀缸聽罷轅門畫鼓投書案昔年遮莫憶  
詩魔今日未曾降風播悟後馬猶指蕉蔗當前月滿窓  
消得幾餘清興永不須花下倒春缸

題德壽寺禪房

一向悟無生不識無生理偶來蘭若幽頗愛禪房美松  
竹韻虛籟花藥紋春藥烟浮鼎上雲鳥啄窓間紙敲火  
煮古鐺煮茶澆新水身心一瀟灑未可耽乎此

春宵月下懷

庭視漏嬋娟扶疎散清影露立春宇明潛覺衣裳冷馬嘶野牧空鳥語深林靜陳迹憶舊遊曠懷對新境由來不曾隔妙趣誰能領

春夜南苑行宮即事疊前韻

如駛年華過隙馳離宮駐節仲春時六飛巡幸乘韶令萬戶饑寒待體知豈為吟詩忙裏適每因望治靜中思幾餘消得閒庭夜弄影銀蟾窓外移

曾聞

曾聞一衲子幼習曹溪禪駐錫京都寺所識皆貂蟬羣  
誇梵行清自許六度堅鬚眉皓且蒼僧臘已有年一朝  
染病卧忖度難期痊爰命使持書報諸檀越人

如延切  
見烈女

頌

云於某某日當示寂滅焉古有立亾者吾身豈不然  
至期衆俱集相對淚湧泉法師今涅槃誰示指月傳師  
云無去住努力自勉旃衆皆長跪候白日不俄延久之  
期已過猶然坐法筵求死不可得反覺生可憐嗚呼好

名人覩此當悔遷

路旁

路旁一野老呻吟一何苦鳩面步履艱單衣百衲補試  
問何方人云籍隸齊魯猶憶少年時逃荒離故土傭佃  
聊度歲又復病雙肢問翁業何有囊無一粒黍問翁室  
何有妻沒絕男女煢煢只此身知死何處所我聞淒然  
悲所悲非野父曾記周詩云君子民父母教養違其方  
黎民失恃怙命醫施鍼砭或可離痛楚白金賙其窘屋

居免露處固知煦  
姬仁所愧澤未溥

陰

輕雲出遠岫  
白日漸韜光  
布宇勢方作為霖澤欲滂  
千畦纔甲坼  
萬彙正勾芒  
怕是因風散  
多緣望歲忙  
未曾消宿雪  
訝許潤新秧  
自笑心無足  
還期取次償

詠盆中牡丹花

亞盆初綻鼠姑芽  
映座濃添幾朶霞  
帘幕未招遊客騎  
芳菲待報午蜂衙  
不須富貴叢中鬧  
却愛蕭疎靜處嘉

九十春光應護惜花師莫漫趨韶華

仲春郊行

韶光次第物華撩柳線飄黃驛路遙不必風流誇羯鼓  
淡雲輕雨釀花朝

融融平原嫩綠萌無邊詩景入行程金吾莫漫頻呼蹕  
野老春深正課耕

九十青韶日漸妍不須催賞只須憐兒童却愛清明節  
未破花朝放紙鳶



雨絲陣陣柳絲斜荷笠扶犁有幾家  
遮莫御園臺榭足看耕端的勝看花

讀朱子詩有做因效其體

見獵心猶喜吟詩興欲狂工夫未精到觸處是乖張  
天理與人欲只爭一線多出此入乎彼為學戒蹉跎  
是非心豈二惟人默自斟但識知非者便是是的心  
罔念聖作狂克念狂作聖罔克慎自持其要在居敬  
居敬非虛言端為不自欺已所獨知地便是衆知時

知得一尺時不如行一寸若教玩愒過永無精進分  
人生非孔顏誰能無過尤屢過而屢悔非以慎厥備  
我視普天下無處可偷閑一念敬與肆人鬼即此關  
人咸秉善念常被私慮侵所以古達者孜孜惜寸陰  
寸陰誠可惜要道在躬行如其力不逮切近惟存誠

二月望日春分

東皇幹運似持衡今歲春分分正平九十陽和均各半  
短長晝夜恰相爭網軒漏永宮鶯喚螭陛晴熏御柳榮

宸是陶甄資

帝力光天萬物樂由庠

仲春經筵

旭日御階明祥風滿鳳城光春開講席廣厦集朝英學  
海期全濟文樞賴共衡更尋司化紐要道在躬行

曉寒

二月十七日作

昨朝微雨潤勾芒今日輕寒透薄裳芳苑閒探添料峭  
鶯花都解勒春光

瀛臺竹木床歌

靜憇軒中橫短床不雕不斲伊誰造竹皮木骨恰相稱  
詎誇華飾誇質老我聞玩物能喪志漆器進諫明至道  
涓涓之水成江河其流滌器裝七寶何如茲床樸且完  
安置妥貼不欹倒松齋夜靜夢周時梧階晝永攤書好  
異物不貴凜前訓用銘座右期相保

淑清院見桃花始開泛杯有作

琤琮韻裏繁枝斜纔苞錦纈遲蒸霞如是色聲堪靜悟

不必能聽倩綠芭峭寒尚切披香殿青韶却釀淑清院  
天公濯垢認三生

昨日微雨

今朝恰見春風面

### 太液池泛舟

新水一篙深載舟猶力弱偶來弄澄碧滄浪意可樂天  
空鳧雁閒波靜魴鯉躍是時春始半夾岼天桃灼旋惹  
東風吹紅英貼波落韶華固不牢長歌興所託

### 題庶子張鵬所進春林澹靄圖即用其韻

輕抹雲嵐瀑布垂森森玉筍間疏眉詩禪畫偈相參處

金剛口履  
卷八  
正是春林澹靄時

無須海賦詡春毛珥筆詞臣有伯高漸近清明緣望雨  
何曾開宴賞天桃

只疑濃處欲生雲高下林巒疊翠丈寂寂草堂無客到  
一谿煙靄與平分

香案應教仙吏承丹霞門戶許誰升螭頭奏對春風裏  
寫出春林亦絕勝

大地春光盡早成  
花花草草自舒榮  
品題却倩幽人筆

靜對蕭齋意轉清

吟詩不用錦囊求  
妙句還多趙倚樓  
此日金蓮為誰撒  
他年佳話紀池頭

液池鳧

液池鳧乘春流  
灩灩錦波香  
蕊浮浴波脚  
蕊依汀洲託  
身喜無羅網  
憂不羨雲鵬  
萬里之翱翔  
不為埒雞榴  
梁之仰求  
猶人既無卓  
卓之譽亦無  
戚戚之愁  
液池鳧爾  
何俯仰自得  
而悠悠

清明

輕暖輕寒杏酪天  
緋桃綠柳闌芳妍  
殷殷午夜方祈雨  
忽忽春風又禁烟  
新種恰宜浸淺水  
嫩苗已看出平田  
望雲未釋中心願  
任取兒童放紙鳶

夢

昔在殷高宗夢帝得賢才  
又聞莊周言至人無夢來  
至誠能感神心馳多疑猜  
吾衰因夢見因夢見吾衰

有為法皆如夢無為法亦云然  
但著有無關捩夢中說



夢徒喧

桃

春花使者趙程期

瓶史月表桃為二月花使

報道名園第一枝無那

東風忒相妬三分塵土一分姿

即事

寒食新頒火甘霖未濯科徒瞻雲邈爾每問夜如何農  
務茲方始花期諒已過三春多樂事繫我獨憂多

三月初四日癸亥耕藉禮成有作

日臨吉亥應農祥千畝三推典制詳帝藉勤民風赤縣  
司農辨穀列青箱

覲土欣知播穀時青郊舉趾敢教遲每每南畝分黃道  
獵獵春風颭彩旗

瑤壇樽俎右先農大樂雲咸考鼓鐘馥假淵衷邀肝鬻  
輕雲釀雨勢方濃

綵棚高覆金犁直梭陌微聞畫鼓擬豈為清時崇典則  
所期民俗化敦龐

一墾耕餘看九三庶人終畝盡東南周官法度猶然在  
麟趾闕睢化却慙

耒排西側耜排東解角拖犁耜正中更聽禾詞三十六  
分明物色摠幽風

三農環統望耕臺荷笠披蓑許近來略少鳩形將鵠面  
豈周水曲與山隈

由來政本重民天願祝豐年入頌箋詎止躬耕勤穡事  
深宮午夜早乾乾

題陳枚孫祐金昆戴洪程志道全畫清明上河圖

圖始於雍正六年成於乾隆二年城郭山林人物各工其藝亦繪林佳話云

蜀錦裝全璧吳工聚碎金

數人皆江南名工

謳歌萬井富城闕

九重深盛事誠觀止遺踪借探尋當時誇豫大此日歎  
徽欽

杏

胭脂勻襯曉粧紅柳冶桃夭許許同也解隔牆思宿雨  
生憎映座舞輕風華林漫憶群排宴文館先陪獨省躬

醉月徵歌徒負爾年來吟興亦飄蓬

含韻齋玉蘭花

禁火纔過賣酪時春風次第綻辛夷東皇借得江生筆

玉蘭一名木筆

寫出韶光一段奇

韻入紗櫺綺思清焚香淪茗待閒評蜂衙蝶陣相忘處  
不數仙人白玉京

題瀛臺流杯亭瀑布水

戛玉復從金飛流下十尋迴波能送酒緩溜似調琴信

可蘭亭樂依然濠濮心何須覓蓬閣城市有山林

三月二十四日題清暉閣

東皇昨夜駕歸轅蜂蝶紛紛欲黯魂乍見殘紅飛墨沼  
已看新綠映朱軒菁葱似覺松篁遜剝啄生憎鳥雀喧  
賸有憂懷賦雲漢更無閒興採芳園

三月晦日

三月晦日湖上行錦帆風送朱鷺輕

舟名也

落花飛絮俱

無賴舞蝶遊蜂各有情鼠姑欲綻待宿雨少女只解催

曉晴九十韶光愁裏過，惜春吟罷新愁并。

題周鯤山水畫

留得溪山四季青，烟巒矗矗水泠泠。  
卧遊省識心無倦，坐對方知筆有靈。  
遠塢人家閒度柴，野塘路逕接橋亭。  
依稀昨歲邊關景，面面芙蓉展畫屏。

初夏

平林新綠蔭軒庭，拂拂薰風透綺櫺。  
春色已隨愁寂寞，詩情應共絮飄零。  
政慚夏諺為侯度，心切周詩惠我寧。

欲逐雀飛飛石燕秧鉞抽隴正含青

做雲漢詩體敬製雩祭樂章以申誠懇

瞻彼朱鳥爰居實沈協紀辨律羽蟲徵音萬物共生有  
壬有林有事南郊陟降維欽瞻仰

昊天生物為心章一

維國有本匪民伊何維民有天匪食則那螻蝻鳴矣平

秩南訛我祀敢後我樂維和鼙鼓淵淵童舞娑娑章二

自古在昔春郊夏雩曰惟龍見田燭朝趨盛禮既陳



神留以愉雷師闐闐飛廡衙衙曰時雨暘利我新畬

三章

於穆

穹宇在郊之南對越嚴恭

上帝是臨繭粟量幣用將悃忱惓惓我躬肅肅我心六

事自責仰彼桑林

四章

權輿粒食實維后稷百王承之永奠邦極惟予小子臨

民無德敢懈祈年潔衷翼翼命彼秩宗古禮是式

五章

古禮是式值茲吉辰玉磬金鐘大美維醇元衣八列舞

羽繽紛既侑

上帝亦右從神尚鑒我衷錫我康年

六章

維

天可感曰惟誠恪惟農可稔曰惟力作恃

天慢人弗刈弗穫尚勤農哉服田孔樂咨爾保介序乃

錢鏞

七章

我禮既畢我誠已將風馬電車旋駕九閭山川出雲為

霖澤滂雨公及私興鋤利吐億萬斯年農夫之慶

八章

端陽日侍

皇太后觀競渡

蒲樽粽席御湖邊  
競渡天中自古傳  
艾虎乍懸沿戶綠  
霓旌纔颺徹波鮮  
聊酬令節供

慈賞未足甘霖省  
往愆日暮輕陰方  
釀雨簷牙滿擬溜  
如泉

湯泉荷花開絕早  
插膽瓶中間以芍藥  
甚有風致  
霞剪衣裳恰五銖  
清和春色滿仙壺  
溫泉浴罷嬌無力

扶起身邊有念奴

新蟬

舊蛻掛枝頭新蟬鳴樹杪一般聽蟬鳴妙趣誰能曉  
荷葉大於錢榴花火欲燃高齋蝶夢醒著意聽新蟬  
螳螂學捕蟬逐逐尋高柳豈知輕薄兒挾彈隨其後  
抱葉曳踈聲風翻隨葉落旋復上高枝適然何住著  
遊踈綠雨短詩少為愁多一聲新蟬鳴始識晚春過  
別院槐風細踈簾綠蔭深借爾閒中響清予物外心

題庶子張鵬所進日長山靜便面即用其韻

繪苑曾聞紀董祥詩筌畫構可參詳定知寂寞長安舍  
素絹牋麻足幾箱

子西佳句小年時箇裏能教日影遲雨後清和山色好  
新茶處處展槍旗

半是山僧半是農卧聽隔嶂晚來鐘踈籬野約無人到  
灌木叢陰綠正濃

似有嵐烟縈澹澹如聞溪溜響攸攸桃源不是人間世

策杖村翁眉宇龐

彷彿前生是葛三  
畫禪瀟灑擅江南  
大瘕更挾坡仙筆  
勅敵江山兩不慙

野流無定西復東  
茅菴書掩深山中  
坐對身如圖畫裏  
虞琴一撫南薰風

山中無地起樓臺  
面面堯峯入座來  
消得日長誰與共  
一聲孤鶴碧雲隈

夢想華胥太古天  
肯因玩物擘吟箋  
幽風圖繪當年事

盱食宵衣倍體乾

散館試庶吉士賦得春蠶作繭

得咸字

蠶事當春月辛勤婦女咸候時鳩上下入戶燕呢喃松  
火燃村舍條桑採谷巖浴川身乍潔食葉口方饒起箔  
新蛾長承筐素手摻三眠類慵懶八繭似封緘漫比抽  
思巧堪知為政允新絲還待賣慙媿著袍衫

熱

朱明遲度丹霄上萬籟無聲靜焚響暑氣生侵玳瑁床

涼颼不到丈羅幌砌裂苔紋破篆痕戶饒梅潤濕柱磔  
生憎蟬嘒聒耳煩况復鳩鳴懸念想豈無沉李與浮瓜  
林園坐磬層軒敞念彼公田待澤久耕犁未舉將生莽  
笠底老農畏赫曦冰壺那忍獨延爽吁嗟又復夏云半  
宵瞻雲漢徒首仰側聞上蒼心好生解澤詎久遲長養  
扶桑湧現火輪紅夜以繼日勞悵快錦樣三春忽忽過  
炎炎永晝薰風盪何能習靜學禪師丈室安心息紛攘

鳩



小軒夏云半嘉蔭  
誠清絕踈簾隔塵囂  
翠簟含冰雪何來  
鳴鳩聲得得出林  
樾拂羽過春時  
喚霖當夏月物各  
有天性人自生  
分別何喜噪簷鵲  
何愁杜鵑血何勞  
布穀催何悲烏夜  
咽而我聞鳩鳴亦  
復怡然悅卜雨慳  
我情稍解心中結

夏日題瀛臺

文軒梧竹倍淒清  
坐擁琳瑯爽自生  
高處近天無暑氣  
人間此地是蓬瀛  
水涵銀海月為鏡  
苔點瑤階石作枰

草木敷榮魚鳥適由來物物遂生成

相馬歌賜乘保

伯樂善相馬車下老驥出今豈無其人來保稱第一曩

時有黃海

國朝善相馬者

親授相馬術謂不相其皮亦莫稱其

力心端德自優萬中無一失天閑雲錦羣一顧靡不志

為余辨驪黃六飛協安吉此術固云美相人亦可則况

茲居八柱亮采汝所職勉此空冀心佐予敷九德

致仕禮部侍郎銜內務府總管丁皂保年九十矣

朕每進宮必入朝請安翼鑠如昔詩以賜之

舊日春卿貳清時萬石君目光猶奕奕衷赤尚勤勤樂  
易故應爾忠良衆所聞泰平無戰伐馬援漫從軍

未解彭佺術曾將濯絳齊林泉應樂齒珂馬尚聞雞菊  
水無湏井丹霞自有梯所期職植衆難老摠眉梨

題抑齋

窓紗浸綠鳥聲頻拂拂花香戶外新座有蘭烟文作篆  
壁留箒字額題銀偶然得句緣新意長自耽書是宿因

慙媿當年齋內容壁牋者若一間身



御製詩初集卷八